



Broj: 01-50-4-986-1/20

Sarajevo, 26. 5. 2020.

ZAPISNIK

konstituirajuće sjednice Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine

Sjednica Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine (u daljnjem tekstu: Privremena istražna komisija) održana je 26. 5. 2020, s početkom u 12 sati, u sali 1/I.

Sjednici su prisustvovali članovi Privremene istražne komisije: Damir Arnaut, Mirjana Marinković- Lepić, Alma Čolo, Branislav Borenović i Mira Pekić.

Opravdano odsutni bili su: Zukan Helez, Dragan Mektić i Zlatan Begić.

Sjednicu je zakazao Marin Vukoja, sekretar Predstavničkog doma Parlamentarne skupštine BiH.

Sjednicom je predsjedavala Alma Čolo do izbora predsjedavajućeg Privremene istražne komisije.

Sjednici su, također, prisustvovali: Zijad Hasić, sekretar Ustavnopravne komisije Doma naroda, i Sonja Abdulovski stručna savjetnica, koju je Kolegij Sekretarijata Parlamentarne skupštine BiH zadužio da pruža stručnu i administrativno-tehničku podršku Privremenoj istražnoj komisiji.

Na prijedlog člana Privremene istražne komisije Branislava Borenovića dnevni red jednoglasno je dopunjen tačkom 2. Razno

Za sjednicu je predložen i usvojen sljedeći

DNEVNI RED

1. Izbor predsjedavajućeg, prvog i drugog zamjenika predsjedavajućeg Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine;
2. Razno.

Ad. 1. Izbor predsjedavajućeg, prvog i drugog zamjenika predsjedavajućeg Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine

Sjednicom je privremeno, kao najstarija članica Privremene istražne komisije, predsjedavala Alma Čolo. Otvorila je konstituirajuću sjednicu, pozdravila prisutne i konstatirala da postoji kvorum za rad.

Nakon rasprave, **jednoglasno** su izabrani:

- Damir Arnaut za predsjedavajućeg Privremene istražne komisije;
- Dragan Mektić za prvog zamjenika predsjedavajućeg Privremene istražne komisije.

Privremena istražna komisija jednoglasno je usvojila i sljedeći **zaključak**:

Privremena istražna komisija konstatira da trenutno ne postoje uslovi za imenovanje drugog zamjenika predsjedavajućeg Privremene istražne komisije. Privremena istražna komisija nastaviti će raditi do izbora drugog zamjenika predsjedavajućeg, u skladu s članom 188. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19 i 26/20).

Ad. 2. Razno

U okviru ove tačke dnevnog reda, na prijedlog člana Privremene istražne komisije Branislava Borenovića, jednoglasno je odlučeno da se za narednu sjednicu Privremene istražne komisije pripremi prijedlog poslovnika koji, također, treba da sadrži program i plan rada Privremene istražne komisije. Zaključeno je da svi članovi u roku od sedam dana dostave svoje prijedloge i sugestije.

Privremena istražna komisija jednoglasno je usvojila i sljedeći zaključak:

Uzimajući u obzir veliko interesovanje javnosti i pravosudnih institucija u vezi s nabavkom respiratora u Federaciji BiH i pokretne bolnice u Republici Srpskoj, tražimo od Agencije za lijekove i medicinska sredstva BiH da Privremenoj istražnoj komisiji dostavi detaljne podatke o ovim i svim ostalim izdatim dozvolama za interventne nabavke lijekova i medicinskih sredstava u periodu od 15. marta do danas s pojedinačnim iznosima, nazivima dobavljača i opreme, te krajnjim korisnicima i drugim dostupnim podacima.

Predsjedavajući Privremene istražne komisije je na kraju napomenuo da su sjednice Komisije otvorene za javnost i da je potrebno blagovremeno informisati Sektor za odnose sa javnošću o terminima održavanja sjednica.

Sjednica Komisije završena je u 13.15 sati.

Sekretar Privremene istražne komisije
Sonja Abdulovski

Predsjedavajući Privremene istražne komisije
Damir Arnaut